

ЗЕФИРУТНЕ

Девла, саво биянгян амен,
тъктин апакяса о вога е хурде ччаворенгере -
терне-апакяле!
Ппраликане ччаве е Зефириескере, къскандипнаса
то дехиба беринен саде ашал песке...
То девликано керимати
дамгаса лилесте ленгере заптиеске важинел...
Совел хан упрал тут тай упрал и апак - сесиеса.
Ден дума... Трушалъовен... Бистерен...

Те отчивеса е зефирутнен чачес, соске
даютне перестар биянгъовен, живинен, мерен, инзарен?
Жанен те врачувинен алавестар, диккимнастар, муйестар?
Ппенен ленге карадарашя, номадя,
цоцоманя, ерлидес - алава са катар о алав “рома”?

Ако жанена дексаве шаня, керибе биманушикано,
соске ровен дуккатар, кунине кунате дехибнаса чавен,
мерен, биянен, инзарен? Ленгоро рат ттавдел
секоне ранатар - гюли лоло телал петалосте коро,
кало, саво раздел тере алавестар сикавдипе... Марибе?

Коре заппирен, презал патуменде ковинен хакикатипе
Хакикатиме лескере девликане цибриме-цибринятар...
Ппиравен инзария, тере традикане байракия-катля.
На иринен молиба кариг о Аздрахили, саво вога лел...
Сар о Исус на просинен, милост манушикани-куртулуши.

Лусинен машкар то ефири ппувяно апак ашал бимерутнипе...
Мангли секастар апак, ама кой кидел ла, кой пазинел ла?
Тай кой умрендинел? Лусинен машкар то ефири, апак неве мираке!
Мира! Преплясто е манушеске е манушипнаске!

Девла! Девла! Рая!
Мищо алян тай синян, андо вога е терне-ччаворенге!
Ччаве Зефирутне! Апакяса пперде, ек-саде кариг Туте!
Леледипе кариг о животос! Тай е маримнангоро агор!
Девла Рая, авел тери воля зефирено, юч-ючестар! Авел!

